



## Da la suprastanza cumünala

---

### **Dmura d'attempats Puntota, servitut**

Il consorzi Chasa Puntota ha l'intenziun da realisar ün lö d'inscunter a l'ost davant la chasa Puntota e dumonda scha'l cumün saja pront da ceder il terrain bsögnaivel. I's tratta d'ün toc da la via (parcella 1116) chi gniss serrada pel trafic.

La suprastanza es perincletta da stipular ün contrat da servitut chi garantischa l'adöver per la dürada da 30 ons.

### **Gruppa da gö «Chüralla» Scuol, contribuziun annuala**

La gruppa da gö «Chüralla» exista daspö 12 ons e vain manada tenor la pedagogia da Rudolf Steiner. Ad els nun esa bod na plü pussibel da financiar ils cuosts, cumbain chi'd han in media 17 uffants. Perquai fana la dumonda al cumün per ün sustegn finanziel.

La suprastanza es da l'avis chi saja da sustgnair quista spüerta implü cun CHF 6'000.00 l'on sco chi vegnan sustgnüdas las duos gruppas da gö (Göpi e Furmias). La «Chüralla» es ün'alternativa da tschellas duos gruppas da gö.

### **Forum Engiadina Bassa / Val Müstair**

L'Engiadina Bassa / Val Müstair fuorma üna regiun economica i'l Chantun. La realisaziun strategica ha da gnir coordinada tenor las indicaziuns chantunalas. Ils böts principals chi sun gnüts formulats per la NRP sun: l'augmaint dal management da la regiun e dals ulteriurs instrumaints pel svilup economic – incl. l'agenda 2030 – e'l program Interreg.

Perquai esa previs da fuormar ün nouv forum chi s'occupa da quists temas.

### **Weltcup Snowboard Alpin 2018, dumonda da princip**

L'inviern passà ha Scuol surtut a cuorta vista las maestranzas svizras da Snowboard Alpin e manà tras quel evenimaint cun grond success sülla Motta Naluns. Las reacziuns dals atlets ed eir dad otra glieud d'eiran fich positivas. In quist connex es gnü fundà ün comité d'organisaziun. Quel prevezza da manar tras üna cuorsa da la coppa mundiala Snowboard Alpin 2018 a Scuol e dumonda scha'l cumün es pront da sustgnair quist intent cun üna contribuziun.

La suprastanza es da l'avis ch'ün simil evenimaint saja ün inrichimaint per nossa regiun. Ella decida perquai da sustgnair l'occorrenza cun üna garanzia da deficit maximala da CHF 30'000.00.

### **Surdattas da lavur e d'incumbenzas**

- Plan da quartier Curtinatsch, Ardez
  - Lavuors da catram Implenia Bau AG, Zernez
- Refacziun Via da god Muot da l'Hom, Ardez
  - Lavuors d'impressari Koch AG, Ramosch

- Zavrada da las zonas dal cuntegn dals flüms, Scuol
  - Lavuors da planisaziun Stauffer & Studach AG, Cuoir
- Reservuar Surtaus, Ftan
  - Lavuors d'impresari Koch AG, Ramosch
  - Lavuors sanitarias ARGE Stecher AG/E.Vital, Scuol
- Plazzas da parcar Crastuoglia, Scuol
  - Lavuors d'impresari Koch AG, Ramosch

Scuol, 22 settember 2016

**La suprastanza cumünala**